

ORATIO
DE PEREGRI-
NATIONE ET EIVS

LAUDIBVS: CVM EX IN-
signi Argentoratensi quò antè missus fu-
erat in celeberrimam V Vitebergensem
Academiã venisset: in inclyto natio-
nis Vngariæ Cœtu,
VVitebergæ



Scripta & habita
à

Michaële Forgacz, libero
Barone in Gymses.

VVITEBERGÆ.

Typis Zachariæ Cratonis.

ANNO M. D. LXXXVII.



EPIGRAMMA AD
LECTOREM.



Empore ceu verno tellus redimita decoris
Floribus, egregios quàm latè spargit odores:
Forgaciæ stirpis generoso sanguine natus
Sic est in teneris primæ lanuginis annis
Michael ornatus virtutibus, atq; perennis
Sic de se pulchrum diffundit laudis honorem,
Hinc quoq; nunc scriptis Suadellæ melle refertis,
Plurima commemorat peregrinæ commoda vitæ,
Hæc quicunq; leges, pia, dicas, scripta disert
Forgacidæ niveis exornet gloria pennis:
Ast ubi post Musas maiorum clara sequetur
Facta, queat patriæ hic Heros prodesse ruenti:

Ioannes CZanadius.

A L I V D.



Itorpere gravi sentis tua membra veterne
Silevibus mentem plus vigilare iocis.
Otia si capiunt, lascivâq; gaudia, Lector,
Si Baccho & genio vis senuisse domi
Hoc lege quod claro de stemmate condidit Heros
Forgacides linguâ Tullius Hunnus, opus,
Dispeream nisi te tantus trahat ardor eundi
In varium celsi clima plagamq; poli
Neritium ut cupias, Anchisiadenq; relictos
Laude peregrinæ cognitionis humi,
Vnde tuæ veniat quæsitæ scientia menti
Per quam servari publica vita queat.

Et per quam patriæ possis prodesse ruenti
Pro qua turpe graves nolle subire vias.

Demetrius Kraccouius. T.

A L I V D.



Vnde sibi laudem, nomenq; pararit Vlisses
Quæris? ad extremas iverat usq; plagas
Viderat & varios mortales, viderat vrbes,
Vnde fuit vasto dignus in orbe cani.
Tu quoq; quisquis amas virtutem prendere cla-
Dulichij exemplo regna remota petas (ram
Hoc tibi commendat genere & virtute celebris
Ecce Baro, expertus commoda multa vir.
Hunc imitêre ducem, nisi vinci, Pannona pubes
Atq; velis laudem prodere sponte tuam

Sigismundus Mariasi.

A L I V D.



V quicunq; cupis peregrinas vîsere terras,
Sedulus & Musis invigilare sacris-
Nec scis quâ q uaq; efficias ratione modocq;
Ignarumq; viâ pectus habere vides.
Hæc, quæ Forgacij conscripsit Musa Baronis
Dulcisono calamo, perlege, doctus eris.
Nam quantum proshit longinquis vivere in oris
Hic benè præclaro tradidit ingenio

Sigismundus Peczius.

ORA-

ORATIO DE PERE- GRINATIONE.



ITSI MINIME DE-
cere videtur, doctissime D. Senior, generose
Baro, cæterique populares lectissimi & ob
eruditam pietatem suspiciendi; de re graui di-
cere incipientem, timere, ne parem ad dicen-
dum orationis facultatem adferre non possit: tamen rei, quam
susceptam habeo, difficultas, ingenijq; mei exilitas vehemen-
ter animum meum sollicitum habet, ne dum id quod tento non
assequor, in impudentiæ crimen apud vos aut arrogantiae in-
curram. Nam cum in hanc amplissimam omniq; laudis gene-
re præstantissimam coronam, nihil nisi perfectum ingenio, &
elaboratum industria, adferri debeat, ego quia & ingenio pa-
rùm, & industria non satis possum, summo pere vereor, ne aut
id quod assumsi, implere non possim, id quod est impudentiæ:
aut laudi potius meæ velificari quàm iusta de causa ad dicen-
dum surrexisse videar, id quod est arrogantiae. Verùm enim-
verò in hac tanta difficultate duæ me res consolantur: tum
vestra & in audiendo facilitas, & in ignoscendo lenitas: tum
rei ipsius, et perutilis ad bene viuendum, & periocunda ad co-
gnosendum ratio: quarum illa ut benè de vobis sperem, facit:
hæc verò etiam vt plane confidam. Nam cum estis vestra
sponte ad audiendum parati: tum verò multo magis si res ea
acceserit quæ & aures voluptate permulcere & animos vti-

litate commouere possit, animo estis ad attendendum excitati-
ore. Quamuis autē ego, nihil aut mihi sumere aut vobis pollice-
ri vel de elegantia verborum, vel de momentis sententiarum
possim: tamen ea est rei ipsius quam tracto dignitas & am-
plitudo, vt ipsa pene per se vobis se commendatura, mihi verò
rationes suppeditatura sit, vt quod in me desideratum fuerit a-
bunde ipsa compleat. Quid enim in hoc tempore, rationibus
vestris aptius aut accommodatius esse potest, quā, cum vos
culturae ingenij disciplinarumq. liberalium causa longē à pa-
tria dulcissima in hanc exteram regionem tot difficultatibus
exhaustis, tot sumptibus factis commigrastis, audire rationes,
quibus & molestias, quas aut recordatio desideriumq. patriae
fortē adfert aut insolita nec antē vsurpata victus ratio inicit
abstergere, & inuidiam ac obtrectationem in quam nonnulli
hoc nos tempore vocare videntur depellere possitis. Quod si
vel exiguam mihi breui temporis vsuram concesseritis, effici-
am profecto, vt & vos non operam ludere in peregrinando
intelligatis, & aduersarijs causam nostram probem, vt aut
manus dare victi cogantur, aut certe à criminatione qua hacten-
us in nos sunt vsi desistant. Vt autem, populares doctissimi,
& vos summā rei naturamq. de qua audituri estis, perspectam
habeatis, & ego quid mihi propositum sit firmitus memoria te-
neam: capita constituam, in quibus oratio versari mea debeat,
& cancellos limitesq. praefigam extra quos mihi egredi euaga-
riq. non liceat. Ac primum commemorabo rationes quae lau-
des peregrinationis contineant, quaeq. eam & necessariam, &
honestam,

honestam, & utilem, & jocundam confirment : deinde eos qui
 in hoc peregrinandi vitæ genere versati sunt, cum ijs, qui nus-
 quam extra limites patrios pedem posuerunt conferam : tum
 deniq; quæ in contrariam partem ad vituperationem peregrina-
 tionis adferri possunt, proponam, eaq; repellere ac refellere
 conabor. De quibus uti me paucis differenter placidè benig-
 neq; audiat, etiam atq; etiam à vobis peto. Necessariam esse
 peregrinationem dixi, unde id constabit ? unde confirmabi-
 tur ? Naturæ, magnæ illius parentis instituto ac legibus, qui-
 bus ita sanxit ac constituit, ut quamvis homini totius vniuer-
 si domino, nulla certa patria, nec pædium, nec domicilium,
 neq; verò officina medica vel mechanica, quod Ariston dicere
 solebat, tributa sit : sed instar plantæ cuiusdam cælestis capite
 tanquam radice cælo infixus, pedibus veluti ramis hinc inde
 mobilis, ubiq; terrarum in patrio solo verè rectèque Philoso-
 phando κοσµωολιως esse debeat : eidem tamen vel naturæ vel sal-
 tem aduentitiæ vitiositatis merito non omnis ferat omnia tello,
 neq; etiam suis opibus ita contentus vivere possit quin alienis
 & ad viuendum & ad bene vivendum necessarijs indigeat.
 Quas proinde manibus adducere nequeat, pedibus ut consecte-
 tur tum intelligendi tum agendi commoditates, lociq; per muta-
 tione soli patrij inopiæ medeatur. Hæc lex est immuta-
 bilis naturæ, sine qua non regnum, non regio, non vrbs, non
 domus deniq; vlla consistere potest. Nam, quæso, si negotia-
 nes conquiescant commercia cessent, & non vltro citroq; variae
 merces quibus hæc vita hominum sustinetur, in omnes partes
 importentur & exportentur quid futurum putares ? Exiguo

certè tempore exhaustis omnibus rebus omnia desolata & in
vastitatem vocata videremus. Quod si hoc minus intelligitur,
bellum ponite ob oculos, cum interclusis itineribus negotiatio-
nes impediuntur & commeatus prohibentur, quanta omnium
rerum inopia quanta difficultas consequatur, ut una cum bel-
lo solitudo & egestas versari atq; bacchari videatur. Quid
igitur peregrinatione magis est necessarium, sine qua inopem
hanc vitam tueri atq; ducere non possumus, sed eius ope para-
mus, quæ suppedient & ad victum & ad cultum, nec nobis
solum, sed coniugibus, liberis, ceterisq; quos charos habemus,
tueriq; debemus? Quid verò honestius, per Deum, quam ad
normam primi illius status cursum vitæ dirigere, eamq; vitæ
degende rationem in qua homines in primordiis rerū versati
sunt, sectari? Neg. enim quenquam esse puto, qui non eam
maximè amplectendam vitæ degendæ rationem existimet, quæ
in primis illis pubescentis mundi annis à maioribus usurpata
quam minima labe adpersa fuit, nec voluentibus annis desle-
tente sensim de spacio curriculoq; sanctitate maiorum, tanta
hominum colluvie aliquid maculæ & vitij concepit. Quod si
autem replicatis prioribus seculis ad primordia rerum animos
nostros retulerimus, primorumq; hominum statum expenderi-
mus, nonne totam eorum vitam in peregrinando transactam
atq; confectam reperiemus? Nam ubi, quaeso, fixas Adam
sedes habuit? quo certo in loco proxima eius posteritas statio-
nem firmam collocavit? nonne subinde his relietis sedibus so-
lum vertit, & sparsim hinc inde orbem peragrans taberna-
culq;

cula potius quam domicilia erexit? Ut verò primum sese adibus tectisq. homines receperunt societatemq. coeuntes in unū conferri & coalescere coeperunt, mox tanta se scelerum & flagitiorum vis effudit, tanta omnium cupiditatum flamma exarsit, ut diluvium tandem eos dissociare atq. ab invicem distraetos submergere cogeretur. Ita quantum boni in peregrinatione positum sit hinc maxime apparet, cum quantum mali domestica desidia in priori mundo apportarit, perpenditur. Nec verò minus, postquam obrutis aquarum vi mortalibus, omniq. animantium genere eluvie pessundato, solo Noah cum suis superstite novus quasi mundus emerfit, hanc eandem in peregrinando positam vitæ rationem longa serie patres secuti sunt. Nam & ipse Noah vitam egit nulla certa sede fixam & vagabundam; & verò ubi rursus propagato hominum genere certis se sedibus mortales conclusere, Deus ipse Abrahamum ex media superstitionum atq. impietatis sentina euocatum, in incognitas remotissimasq. terras migrare & peregrinationem suscipere iussit, qui etiam dicto audiens, derelictis laribus patrijs, totum vitæ curriculum varias regiones perlustrando in peregrinatione confecit, quem postea longo ordine posteritocomitati, idem vitæ genus ingressi, suo nobis exemplo peregrinationem commendarunt. Dubitabimus ergo hanc vitam honestissimam dicere & ducere, quam tot summi homines, & tum primi hominum satores, tum religionis primi præcones sequendam sibi existimarunt? dubitabimus in eo versari vitæ genere, quod primi illius verè aurei seculi imaginem referre ac representare videtur? Quod sanè nobis commodius præsta-

B

re licet;

re licet: quando illi, quorum à me nunc est facta mentio, solam
sibi in peregrinando honestatem propositam habuerunt, omni
iucunditatis fructu caruerunt, cum aut in vastis solitudinibus
vagarentur, aut inter incultos adhuc et horridos homines ver-
sarentur, nos autem etiam adiuncta mille commoda & sociam
delectationem habemus. Quid enim, obsecro, aut hone-
stius, aut fructuosius, aut delectabilius magisq; homine di-
gnum dici aut esse potest, quàm plurimos homines videre,
eorum notitiam conciliare, ad familiaritatem eorum se ap-
plicare, in amicitiam deniq; intrare? Etenim cum sic compara-
tum natura esse videamus, vt bestias etiam ipsas beluasq; im-
manes naturæ inter se similitudo deuinciat atq; conciliet, vt
semper requirant atq; appetant ad quas se applicent eiusdem
generis feras, quanto magis homines qui ratione vtuntur, &
ingenèratum præcipuum quendam amorem inuicem habent,
aggregare se ad ceteros eiusdem generis debent, & acquirere
alios cum quibus omnia communificent, sic loquantur vt secum,
animosq; suos ita commisceant vt efficiant penè vnum ex plu-
ribus? Quis autem non videt, quantæ & quàm insignes ex
multorum initis amicitijs efflorescant utilitates, & in eos re-
dundent, qui eas sollicitè sectantur atq; colunt? Si inopia con-
siliij te suspensum & sollicitum tenet, vt quàm in partem incli-
nes animo ignores, præsto sunt amici, qui te confirment, cer-
tamq; viam demonstrant: si errore aliquo irretitus hæres, qui
te expediât: si rebus secundis vteris, qui eas gratulando splen-
didiores faciant: si aduersis premeris, qui eas communicando
condolendoq; leniant: deniq; quoquo te verteris præsto sunt a-
mici, nullo loco excluduntur, nunq; intempestiui, nunq; molesti
sunt.

sunt, ut non aqua, non igni, non aëre, (ut aiunt) pluribus in locis utamur quā amicis. Quanta verò sit in amicis suauitas, quanta iucunditas, quid opus est ut longa exponam oratione? cum omnes vno quasi ore fateantur omnes veræ voluptatis fructus illam in se continere & sine ea vitā nullam esse. Hinc secundum Ciceronem, Solem è mundo tollere videntur, qui amicitiam è vita tollunt, qua nihil à Deo immortalī melius habemus, nihil iucundius. Sed quorsum hæc tam multa de amicitia? Quorsum? Horsum certè ut intelligamus tantò plus tribuendū peregrinationi esse & maioribus in bonis numerandam, quanto plus momenti, præsidij & ornamenti in omnes vitæ partes amicitia effundit. Hæc enim nobis ad amicitias viam munit, hæc præit, hæc manibus quasi deducit: hac duce quærimus amicos et acquirimus. Enimverò qui ignauiam ac socordiam suam parietum custodijs tegunt, inclusi quæ tectis domesticis nunquam cōgressus exteriorum hominum salutāt, quomodo conciliabunt amicitias? imò quomodo in coniūctionis humane societate se verè contineri dicent; dum relicto hominum consortio cum tectis & parietibus societatem colunt? Quid verò indignius, quid stultius, quid magis absurdum est: quàm ut opibus abundemus & copijs, equos parare generosos, vestes egregias, vasa preciosa, ea quæ ex vltimis etiā pene nationib⁹ magno sumtu, magnisq; itinerib⁹ cōquirere ac cōparare: amicos nō parare, pulcerrimā (ut ait Cicero) vitæ suppellectilē? Magna igitur habenda peregrinationi est gratia, magnisq; ea laudibus efferēda, quod per eā assequimur ut præter domesticos, quibus sum nos incunabula potius et à primis annis inita consuetudo,

B 2 quàm

quàm virtutis opinio & insignia quædam merita junxerunt, exterorum etiam longeq; disitis regionibus versantium hominum non notitiam solum, sed societatem etiam amicitie & coniunctionis inire queamus. Quod si nulla amicitiarum ratio ad peregrinandi studiū commoueret, vel ipsum tamen commune societatis vinculum, quo constricti inuicem & colligati sumus, merito tantum pondus apud omnes obtinere deberet, ut peregrinandi studium amplecterentur, quò quibus illud membris contineatur & veluti nexibus cohæreat cognoscere possint. Nam si tantopere uenationibus delectamur, ut molò aliqua se nobis fera offerat, omnes latebras omniaq; latibula perscrutemur, multo certe magis opera danda erat, ut exteros ignotissq; homines in suis domicilijs requireremus, & ex eorum conspectu voluptatem caperemus, cum etiam ex immanissimæ beluæ aspectu, quæ terrori potius esse debebat, oculos pascamus. Sed quid ego de communibus his amicitijs. hominumq; visendorum studio tot verba facio? Nam posse sunt quidem hæ vulgares amicitie in omnibus vitæ partibus plurimum, & latissime patent: Sed tamen est alia quædam nobilior excellentiorq; amicitia, cuius causa suscepta peregrinatio omnibus veræ virtutis literarumq; studiosis non modo grata & iucunda, sed etiam cum primis utilis & necessaria videri debet. Quæ verò illa est? Ea sanè, quæ cum maximis clarissimisque viris, quorum nominis fama atq; celebritas orbem pene terrarum repleuit, quorum præclara in omni genere doctriinæ monumenta in omnium manibus sunt, quorum deniq; eximia virtus, insignis eruditio, singularis autoritas in oculis
omnium

omnium feruntur, talibus inquam initur atq; contrahitur, quæ
quid præstantius, quid optabilius? quid deniq; ad omnes rationes
consultius? Etenim si monumenta literarum quæ in lucem
proferunt, tanto in precio habemus, tantamq; ex ijs cum vo-
luptatem tum etiam vtilitatem capimus, quanto magis ex os-
culabimur si ora eorum vultusq; cernere, frequenter viam
eorum vocem haurire & in sinu quasi eorum recumbere nobis
contingat? Quemadmodum enim flores tum ad medelam cor-
poris saluberrimos, tum ad fragrantiam odoris suauissimos,
tum ad elegantiam coloris nitidissimas suavius in hortis ipsis
virentes, floridosq; sensus nostri intuentur, quam si iidem
euulsi atq; execti offerantur: Ita animus noster longe maiori
cum voluptate afficitur, si comminus eorum ora vultusq; ad-
spiciat, quorum imaginem, administratione virtutis, ex mo-
numentis eorum conceptam, circumgestat, quam si nudos cha-
racteres eorum manibus impressos cernat, mortuamq; veluti
vocem audiat. Illud verò, Deum immortalem, quantum est,
quod ex talium virorum consuetudine proficisci & ad cultum
animi redundare Seneca testatur: Nulla res magis, inquit, ho-
nesta induit, dubiosq; & in prauum inclinatos reuocat ad re-
ctum quam bonorum doctorumq; virorum conuersatio. Paulatim
enim descendit in pectora, & vim præcepti obtinet fre-
quenter audiri atq; aspici: Est etiam aliquid, quod ex magno
viro vel tacente proficias: Tacente, inquit, quanto igitur
magis loquente, docente, monente, & quidem grauius, gnaui-
ter & fideliter? Cum autem peregrinatio sit, quæ nos in hu-
iusmodi virorum notitiam & familiaritatem deducat, dici

certè non potest, quantæ utilitates ex peregrinatione efflorescant, quanti fructus exurgant. Sapientiam et Doctrinam omnibus rebus humanis anteponendam esse omnes uno ore fatentur: quarum illam non immeritò *μὴν τῶν κινησῶν ἀδάσκατον* Isocrates; hanc verò *Plutarchus τῶν ἐκ τῶν ἀγαθῶν μόνον ἐννοεῖται* testatur. Nunc si ego planum faciam utraq; hæc, peregrinatione apprehendi ac comparari, nunquid obstabit, cur non eam summo in loco positam omnibus rebus anteferamus, maximeq; præ cæteris colam, et amplectamur? Ac ut de doctrina primum dicamus, omnibus liquere puto, duos esse quasi fontes ex quibus omnis doctrina emanet atq; procedat: *Lectionē bonorū autorum, et Auditionem doctorum*, (nam cætera omnia in his versantur) et illam quidem ex libris, hanc vero ex orē docentium proficisci. Cum autem ut variæ merces in varias orbis partes distractæ, sic homines literati ipsæq; cum illis literæ per totū hoc vniuersum disseminatæ sint, dubium certe relinquitur nemini, quin ut quisq; plurimas obierit et perlustrarit regiones ita et amplissimam librorum suppellectilē, parare, et in doctissimorum virorum frequentia versari possit, ex quibus omnes thesauros eruditionis et doctrinæ petendos et hauriendos esse supra ostendimus. Enimvero ut nulla tam fertilis vnuquam et locuples est regio, quæ ita omnium rerum copia diffluat, ut non ex alijs quoq; merces aduehat, quibus earum rerum defectum quæ non suppetunt expleat: ita nulla est tam exulta et dedita bonis literis natio, quæ vno tempore præstantes in omni doctrinarū bonarumq; artium genere viros alat, sed semp inæquabili varietate commutatis vicibus, diuersisq; temporibus iam hic iam illic clarissimè

risissimi quique viri florent, qui tam longe lateque nomen suum diffundunt, tum ex longe lateque disitis regionibus homines evocant et ad se trahunt. Sic Homerus inter grecos in poetica emicuit, cum Romani Virgilio suo adhuc carerent. Sic Demosthenes in dicendi facultate claruit, cum nondum nomen Ciceronis auditum esset. Sic hac ipsa memoriana nostra habet Germania complures excellentissimos viros: habet: sed habet et Italia suos qui in quibusdam antecedunt. Habet et Gallia, et Hispania habet suos, quos proprios sibi vendicat, quorum gloriam suam ducit, nec alijs communicat. Cum itaque non uni et certo loco alligati praestantes viri sed late in omnes orbis partes diffusi sint, peregrinatio adhibenda est quae nos ad illos deducat atque deportet. Etsi autem viri docti et boni thesaurum apud se depositum non recondunt, sed editis in lucem praeclaris monumentis exprimunt, inque rem literariam conferunt, ex quibus hauriri cognitio literarum non minus ac si ipsos loquentes audias, posse videtur: tamen nec tantam vim habet inutorum characterum lectio, quam viua vocis perceptio, quae in ipsa praecordia inuadens aculeos animis audientium infigit, ac penitus in venis visceribusque inclusa haeret atque residet. Quod Socrates etiam digitum intendisse videtur, cum dixit: τὸ σοφὸν σωματικὸν ἀνοικτὸν καὶ ἀκίνητον ἵερὸν καὶ τῆς ψυχῆς ἐπιβλέποντα ὡς περὶ ἀγάλματα: praeclare virum sapientem templo comparans, qui simulachra virtutis atque doctrinae in animo non secus ac in sacrario inclusa oratione proferat, contemplandaque praebeat: Nec vero ubique utiles ac necessary libri obuij sunt, multi bonae indolis studiosi ijs destituuntur, dum ne ad hunc praeclarum mercatum librorum perveniant,

niant, fortunarum angustia impediuntur Etenim plurimae sunt
regiones quae vel praestantibus in bonarum artium studio viris
destituuntur, vel inopia librorum laborant ubi certe praeclare
cum ijs agitur, quibus peregrinationem suscipere, exterarūq;
gentes tum doctissimorum virorum tum praestantissimorum
abundantes copia librorum lustrare integrum est. Quis igitur
nisi planē auersus à vero, nisi prorsus ^{ἑκάρβατος} non diuinis
quibusdam laudibus efferendam peregrinationem putet? non
sibi persequendam existimet? quae fontes omnis doctrinae ape-
riens, & campos disciplinarum patefaciens, viam expeditissi-
mam monstrat, quam ingressi, animos omni politioris literaturae
cultu exornare, ingenyq; dotes accumulare possimus. Merca-
tores videmus corradendarum fluxarum harum & caducarum
opum causa, nihil sibi ad diurnos nocturnosq; labores reliqui fa-
cere, sed per medias mortes terram mareq; pererrare ac perua-
gare: nos autem animi excolendi & locupletandi gratiam lon-
gissimas peregrinationes reformidabimus? exire in remotissi-
mas terras detrectabimus? Qua de re Isocrates ad Demonicū
scribens non minus grauitè quàm eleganter admonet: καὶ κατό-
πιν, ait ille, μακρὰν δὲ ὁρὴν πορεύεσθαι πρὸς τοὺς διδασκαλὰς καὶ ῥητορικοὺς ἑσθλὰς
γυμνασιῶνας. Ἀλλὰ ῥῆμα γὰρ πρὸς μὲν ἐμπόρους τελευτᾷ, πρὸς δὲ διανοητὰς,
ἐνεκα τοῦ τελείως ποιεῖσθαι τὴν ὑπὸ ἀρχαίων, ὁσίου τοὺς δὲ νεωτέρους μιμνήσκων καὶ
τῆς πορείας ὑπομνήσθαι καὶ τῶν βελτίων καὶ ἰσχυρῶν τῶν ἐαυτῶν διανοῶν. Et vero
quem vnquam legimus omnibus veterum reuolutis monumen-
tis, quem accepimus omni antiquitatis memoria replicata, quē
omni etiam aetate nostra considerata vidimus aut audiuimus
domi haerentem ac delitescentem, nec vnquam extra limites pa-
trios pedem efferentem, arcem doctrinae inuasisse, coronamq;
eruditi

eruditionis adeptum fuisse? Quis autem non videt sapientiam
 prudentiamq; peregrinatione effici ac comparari? Cum enim
 duo sint nobis à natura rerum cognoscendarum dydicanda-
 rumq; tributa κρήνη: Sensus tempore, Ratio dignitate & cer-
 titudine prior (vnde illud quod in trivio jactatur distichium:
 Nihil est in intellectu, quod non prius fuerit in sensu) fit, vt
 quo quisq; plurimà vidit & audiuit (hi enim sensus inter cæ-
 teros principatum tenent) eo plura in rationis complexu cõpor-
 tet reruq; maiore experientiam acquirat, ex qua veluti radi-
 ce perspicientia veri solertiaq; (quam eandem sapientiam no-
 minant) exurgit atq; efflorescit. Id quod acutè sanè & solerter
 (vt omnia) Aristoteles affirmat, dum sic Metaph. i. scribit.
 καὶ δοκεῖ σχεδὸν ἐπιστήμη καὶ τέχνη ὁμοίον εἶναι ἢ ἐμπειρία. ἡ ποικίλη δ'
 ἐπιστήμη καὶ τέχνη διὰ τῆς ἐμπειρίας τῆς καθ' ὁρώπου. ἡ μὲν γὰρ ἐμπειρία
 τέχνην ἐποιεῖ, ὡς φησὶ πῶλ. Θ', ὁρθῶς λέγουσιν, ἡ δ' ἀπειρία τύχην. γίνεται δ'
 τέχνη ὅτ' ἐκ πολλῶν τῆς ἐμπειρίας ἐννοημάτων καθόλου γένεται περὶ τῶν
 ὁμοίων ὑπόληψις. Sensus enim tanq; communes ministri quicquid
 eis oblatum obiectumq; fuerit arripiunt atq; ad animum defe-
 runt, qui ea excipiens viq; sua & acie examinans atque repu-
 tans in sinu suo tanquam in penu recondit, vnde vicissim cum
 opus sit depromat, cæterisq; similibus applicet, quorum ratio-
 nes & causas scrutatur et inuestigat, donec tandem in omnibus
 & accutissimè & celerrimè possit & videre & explicare rati-
 onem: quod qui est affecutus, is prudentissimus & sapientissi-
 mus (vt ait Cicero) rite haberi solet. Quia verò in peregrina-
 tione plurimarum rerum tum occultarum tum admirabilium
 varietas sese nobis offert, in quibus animus noster se exerceat,
 & ex quibus experientia comparetur, constat profecto peri-

C

grinati

grinationem quàm plurimum ad consequendam sapientiam
prudentiamq; momenti adferre, atq; adeò eius ^{veris} seu ma-
ximè existere. Porro si quis fortè sit tanta immanitate natu-
ræ, ut cum non amicitiarum præfilia, non familiaritates bo-
norum, non consortia doctorum, non doctrinæ cupiditas, non
deniq; sapientiæ studium moveat & ad peregrinandum impel-
lat, quis non, nisi omnem ex eius animo extirpatam humanitas
tem velimus, clarissimi huius & amplissimi orbis terrarum
domicilij, theatri omni ornatu splendidiſſimi, machinæ omni-
bus numeris absolutiſſimæ circumſpiciendæ & perlustrandæ
deſiderio tangatur? Etenim ſi rei ſuæ bene gerentis atq; pro-
uili patrisfamilias eſt, omnes domus ſuæ partes non modo be-
ne deſcriptas habere, ſed easdem etiã crebrò perlustrare, quid
quibusq; locis repositum ſit, quid ubiq; agatur inſpicere: igna-
ui autem & deſidis omnem adminiſtrationem ac procuratio-
nem ſeruorum fidei committere, ipſumq; deliteſcentem ab eo-
rum verbis pendere: hominis certe etiã (cui Deo Opt. Max.
hoc pulcherrimũ domiciliũ veluti domino attribuit) erit ma-
gnanimitas atq; generoſi eius ſi non omnes at quàm plurimas par-
tes obire, earum deſcriptionẽ non ex geographorum coſmogra-
phorumq; libris petere, ſed oculis ipſis fidelisſimis cuſtodibus mã
dare ac ſubycere. Siquidem, ut ait Poëta:

Segnius irritant animos quæ ſunt demiffa per
aurem;

Quæ quæ ſunt oculis cõmiſſa fidelibus: ut contra hu-
milis atq; deiecti ſuam fidem in aliena conſtrictam atq; conclu-

tam habere, ipsum non pedem commonere ut huius sui domi-
 lij structuram intueatur. Quis verò est ita ferreus aut tam
 spero incultoq; ingenio præditus, qui non tot splendissimarum
 orbium, situ, amplitudine, constitutionibus, caeremonijs, ædium
 descriptione, ciuium morib; cultu ac vestitu, aut in aspectu late-
 ur aut in recordatione oblectetur? qui non tot pulcherrimarū
 rerum varietate quas humana industria solertiaq; effingit tum
 sensus voluptate perfundat, tum animum suauissimè afficiat?
 Quo innuens Strabo præclare sanè inquit: ἐν μεγάλῳ τῷδε τοῦ, πολ-
 ῦν ἂν δρόπον ἰδὲ πᾶσα καὶ νότ' ἔχοντα. Sed num id agimus ut desti-
 tuti clarissimorum fortissimorumq; virorum exemplis nouo
 modo & insolito commendare peregrinationis studium aut
 aducere velimus? Minimè verò. Etenim si historias
 atueri & euoluere velimus, quotquot magnis rebus gestis
 claros, summis insignibus gloriæ ornatos legimus, omnes
 extra fines patrios progressos in exteris nationibus vir-
 tutis suæ documenta dedisse, & in varijs orbis terrarum
 partibus eorum industriam versatam fuisse reperiemus,
 ut illud Plutarchi verissimum comperiamus. ἐν δὲ οὐκ ἰσχυροῖσι καὶ
 ἀνδράσι καὶ ἡρώεσσιν. Nam quid ego Herculem in medium
 proferam, quem propter emensum infinitis pene itineribus or-
 em terrarum, Poëta ad Styga ipsa Ditisque domos penetras-
 se finxerunt? quid Alexandrum illum Magnum memorem,
 quem quod ipse etiam hic domitus ab eo orbis iam pene non
 arperet, celsitudinem cæli, altitudinemq; maris mensum esse
 opinio confirmauit? quid Pompeium eodem nomine Magnum
 roducam, cuius res gestas iisdem quibus Solis cursus
 C 2 regioni.

regionibus ac terminis contineri Cicero testatur? quid C. Iulium Casarem in memoriam reuocem, quem gentes immanitate barbaras, multitudine innumerabiles, locis infinitas domuisse, & disiunctissimas terras non solum cursibus sed etiam victorij illustrasse idem affirmat? Hi & horum similes alij viri illustres, de quorum laudibus nulla ætas conticescet, si inclusi atq; ablitulati in occulto, si virtutem suam tenebrarum ac parietum custodij texissent, si non se in lucem atq; oculos orbis terrarum protulissent, si non tot terras nationesq; vidissent, nunquam certe in tam excelsum gloriæ atq; dignitatis gradum emerissent. Non enim virtus nisi amplissimus campus detur, excurrere potest. Sit itaq; in summa laude hoc etiam nomine peregrinatio, quæ nos in altissimo gradu dignitatis locare potest, sempiternamq; nominis nostri memoriam animis hominum insigere longeq; in posteritatem transmittere. Deniq; cum omnia hæc inferiora ad superioris illius omnium bonorum, pulchrorum, verorum (vt recte Plato pieq; voluit) fontis inexhausti contemplationem sint referenda, hic vel maximus peregrinationis fructus est, vt cum tam admirabilia in hac terrestri peregrinatione conspiciamus in suis hæc ipsa ideis conspicientib; desiderio accendamus, cum hic omnia velut in speculo, relucente quodam vmbra splendoris illius illustrissimij qui est in cælestibus obscure inueamur, perspicue demum ea, cõpage hac corporis soluti in futura vita vt sunt, contẽplaturi. Vanitatem autem rerum humanarum & instabilitatem considerantes in toto hoc vniuersi ambitu, à terrenis animum abducere, & ad cælestia aspirare discamus. Ordinem vero hunc pulcher-

pulcherrimum, continuamq̃ seriem perpetuo nexu coherentem spectantes Deum esse agnoscamus, qui mortalia curet, eiusq̃ providentia in omnes etiam minutissimas res excubet atq̃ se diffundat, pro qua eius maiestati ex inno pectore profectas devota mente gratias persoluamus. Quid igitur peregrinatione aut magis necessarium? quæ vitam sustentat: aut honestius? quæ primi illius ævi formam representat: aut utilius? quæ amicitias conciliat, doctrina imbuit, sapientia informat: aut iucundius? quæ pulcherrimam banc mundi structuram ob oculos proponit: aut illustrius? quæ tot clarissimorum virorum vestigia sequitur: aut diuinius? quæ nos ad contemptum humanarum rerum reuocat, & ad diuinarum contemplationem atq̃ admirationem mentes attollit. Cognitis verò iam perspectisq̃ his tot & tantis virtutibus atq̃ encomijs peregrinationis, facile cuiq̃ manifestum esse potest (in hoc enim altera orationis nostræ pars versatur) quantum ij qui sedibus patris egressi in peregrinando vitam agunt, ijs præstent, qui non extra limites patrios pedem efferentes, domestico ocio torpent, lucemq̃ orbis terrarum fugiunt, ut nihil sibi præ illis ad similitudinem hominis præter formam reseruasse videantur: Illi n. ad normam juris naturæ se reijcientes ipsi acquirunt, quorum in vita usus sit, domesticarumq̃ rerum difficultatem exterarum abundantia subleuant: hi naturæ quasi legibus excussis ipsi ignavo ocio domi delitescunt, aliorum labores & beneficia deorant. Illi primorum eorumq̃ sanctissimorum patrum insistentes vestigijs purissimam illam primi ævi vitæ degendæ rationem sectantur: hi ab ijs desciscientes latibula latebrasq̃

intra claustra parietum quærunt, quò tutius & fœdus interdū remotis arbitris in solitudine versari flagitiosè possint. Vnde certè alia laus peregrinationis non vltima emergit quod auocat nos atq; abstrahit ab otio, quod ad irretiendos illecebris cupiditatum homines facem præfert, et omnibus sceleribus domicilium adeoq; puluar, in quo recumbant, præbet. Illi vinculo societatis humanæ copulati hominū cōsortio letantur: ysq; se applicant propiusq; admovent: hi rupto quasi coniunctionis fœdere eos auersantur, & turpiter sese ab eorum consuetudine longè remouent. Illi amicitijs florent: hi ab omnibus deserti atq; derelicti sunt. Illi ad magnorum se clarissimorumq; virorum familiaritatem aggregant: hi cum muribus domesticis, rusticis corydonibus vitæ commercium habent. Illi honestiore cultura ingenij liberaliq; bonarum artium disciplina animos imbuunt atque exornant: hi neglecto animi cultu viles & inculti cadauer hoc verimibus deuorandum saginant. Illi rerum tum variarum tum admirabilium contemplatione & experientia, animi iudicium exacuunt, illamq; dominam rerum sapientiam comparant: hi inerti desidia in perpetuis ignorationis tenebris versantes acumen iudicij hebescere sinunt, & rationem qua nihil præstabilius homini est à natura tributum, turpiter negligunt, & in res vilissimas abijciunt. Illi amenissimum amplissimumq; hoc mundi theatrum contemplantes tum voluptatem maximam animo simul & corpore percipiunt, tum verò mentes sursum ad cœlestis domicilij contemplationem erigunt eiusq; desiderio flagrant, hi veluti sues in solito antro cubantes
nec

nec quod eos delectet, habent, & perpetuò in his terrenis fixas
cogitationes habent, nec aliùs animo exurgere possunt, ut
eos cœlestis illius beatitudinis meditatio ac cura tangat: cum
nihil vnde vel humanarum rerum vanitatem vel diuinarum
maiestatem perspiciant, habent. Illi res magnas gerunt, nomēq̃
posteritati illustre relinquunt: hi somno ventriq̃ dediti vitam
in silentio transigunt, sinulq̃ nomen omne cum vita finiunt atq̃
deponunt. Illi omnia norunt, fluxa contemnunt: hi omnia ig-
norant, caduca suspiciunt. Illi quocunq̃ venerint, liberè inter
homines et audacter versantur, ad eorum se mores applicant,
& ex eorum instituto viuunt: hi si in lucem, hominumq̃ pere-
grinorū congressu prodeunt, ceu feræ nuper in caueam incluse
ad eorum conspectum horrent atq̃ trepidant, mores eorum &
consuetudinem ignorant, suis agrestibus vtuntur. Deniq̃ (ut
paucis omnia complectar) illi indrustij, hi ignari: illi generosi,
hi degeneres: illi gratiosi, hi inuisi: illi docti, hi rudes: illi sa-
pientes, hi stolidi: illi periti, hi inertes: illi illustres, hi obscu-
ri: illi diuini, hi abiecti sunt. Exacta sunt, Cœtus sanctissime,
partes orationis duæ, restat tertia, in qua mihi incertamen de-
scendendum erit, telaq̃ comparata ab aduersarijs quibus vul-
nus facere peregrinationi conantur, reiicienda erunt ac repel-
lenda. Quatuor .n. potissimùm reperio criminationes, quibus
antagonistæ lacerare peregrinationem & in inuidiam vocare
nituntur: vnam quod abstrabat è sinu patriæ, & à consuetudi-
ne domesticorum repellat: alteram quod multis grauibusq̃ pe-
riculis & molestijs exposita sit: tertiam quod prauos pere-
grinorum mores concipiat, atq̃ reportet: quartam quod à

cultu diuino arceatus. Harum si placet, criminationum,
 quantum quæque valeat quamq̃ iusta sit, age difficiamus.
 Abstrahit à sinu patriæ peregrinatio. Quæ est hoc à patria?
 Num exigua illa terra portio quæ nos excepit, fouit, aluit? At
 excepit etiam sæpè hospes aliquis aut caupo, fouit olim gerula
 ac nutrix, alunt quotidie pecudes, arbores, segetes. Nimum
 igitur exiliter illi exiguis quibusdam terminis patriam inclu-
 dunt, qui eam ad minutam soli particulam alligant, fluminibus
 cingunt, montibus claudunt. Vnde Plutarchus admodum gra-
 uiter & eleganter inquit: ἡ μὲν φύσις ἐλευθέρου ἡμᾶς καὶ ἀλυμνίου
 ἀφίμπει, αὐτοὶ δὲ ἡμεῖς σπασθέντες ἐαυτοῖς καὶ σπαρασσόμεθα. Nō hæc igitur
 est patria, non. Vniuersus hic totius orbis complexus patriæ est,
 quicquid sub hoc cæli fornice continetur, quicquid hæc terræ
 pila ambitu suo complectitur, quicquid maris hic circulus am-
 bit, quacumq̃ homines sunt cælesti illo semine oriundi, patria
 est, & ut Euripides eleganter inquit: ὧς παύλαχθ' ἡ πόλις ἢ ἡ κοινὴ
 κοινότης. Egregie Socrates cuidam interroganti, ciuitatem se
 ferret; mundanum, respondit. Magnus enim erectusq̃ animus
 non includit se istis ab opinione terminis, sed cogitatione &
 sensu totum hoc vniuersum complectitur, ut suum. Etenim
 si fides habeatur Mathematicis, qui centro cæli totum hunc
 terræ globum definiunt, quantulum discefferimus, si vel ma-
 ximè peragrandō totum orbem obiuerimus? idem enim nos
 cælum tegit, eodem etiam intervallo à nobis distabit, vnde non
 erit verendum, ne si in exteris oris ad exitum vitæ vocati fu-
 erimus à cæli foribus excludamur: De quo elegans habetur
 distichon Theodori Bezae,

Cœlum si versus tendis, quocūq; recedes,

Hinc spacio cœlum distat & inde pari.

Ac enim longa serie parentes, cognati, amici, sodales deservendi sunt, quibus cum vel pietas te, vel natura, vel benevolentia, vel communia studia coniunxerunt, hos omnes, inquam, eripit atq; aufert ex oculis peregrinatio. Ex oculis saltem, at non ex animo. Herent enim in fixæ animis veri amoris radices, inq; ipsis præcordiis resident, nullaq; longinquitate aut loci aut temporis euelli possunt: hunc amoris sensum non aufert peregrinatio, sed auget, illud vero quantum est quod è conspectu ac vultu subducatur? Non enim in oculis verus amor situs est, qui sæpè fallunt, & quibus æquis sæpè animus toruus est, sed in animo fixas sedes verus amor habet. Laudetur ergo potius peregrinatio, quæ velum ficti amoris aufert, fingeri verò scrinia & penetralia aperit. Quod si largiamur, peregrinationem, exili hac quæ ex aspectu charissimorum percipitur voluptate privare, privat pro consequenda maiore. Etenim ponite ob oculos, si quis relictis laribus domesticis, parentibus ac familiaribus, in longinquas & remotas terras studiorum gratiâ proficiscitur, ubi bonis artibus animum adornaverit moresq; elegantes imbiberit, quanta cum voluptate domum reuersus à domesticis excipitur, salutatur, inuitatur, in manibus deniq; gestatur & in oculis fertur. Et, obsecro, quæ amentia est, patriæ saluti favere, & ut eidem emolumento esse possis, non in exteris regionibus suppellectilem doctrinæ & præsidia virtutis

cedere, quàm perpetuò rudem & ignauum eorum ora vultusq;
contueri: amicorum studiosum atq; colentem esse, & ut eos ac-
quiras tibiq; benevolentiae coniunctione copules non vel in vlti-
mas terras exire. At interim parentes, amici, fatis concedunt.
Bone vir, quid de hoc quèreris? tute ipse gladium ad te jugulan-
dum offers. Fatis enim concedunt, quæ certè præsentia tua flecti
non potuissent. Nihil itaq; agunt, qui hoc nòmne peregrinatio-
nem incusant, quòd abstrahat ex sinu patriæ & oculis domesticò-
rum, cum id vitio dant, quod in laude poni debebat. At enim, in-
surgunt secundo loco, plena sollicitudinis ac stomachi, plena peri-
culi ac laboris hæc in peregrinando posita vitæ ratio, multæ mo-
lestiæ perpetiendæ, multæ difficultates exoribendæ, multum sæ-
pè vigilandum, laborandum, viuendum ad arbitrium aliorum
non suum. Ut ego primum hoc non inficer, quæro quod vitæ gê-
nus mihi ostendas, extra omnes posuit difficultates & molestia-
as, expers laboris, immune periculi, eadem semper æquabilitate
fluens, nunquam malis conflictans. Tacēs? si ergo nullum repe-
ris, cur id potissimum vni ascribis, quod commune est multorum,
imò omnium? Deinde ut multa sint in peregrinatione plena mo-
lestiæ, plena laboris, multa tamen etiam sunt, imò plurima plena
voluptatis, plena lætitiæ. Ut enim nunq; ferè ita serena cœlifaci-
es apparet quin aliqua nubecula aspersa sit: sic nulla peregrinatio
ita iucunda existit quin adiunctas quasdā difficultates habeat:
Verùm ut exigua illa nubecula Solis splendorè minime occupat,
et obsusca; ased ab eius potius feruore dissipatur ac dissoluitur: ita
etiam illæ difficultates non omnem peregrinationis fructum vo-
lupta-

luptatisq; sensum auferunt, sed à plurimis & maximis iucunditatibus fructibusq; qui ex peregrinatione percipiuntur, absorbeantur atq; abstergantur. Quod si idcirco fugienda aut vituperanda est peregrinatio, quod exposita laboribus & periculis sit, fugiamus virtutem, vituperemus religionem, quidem virtute laboriosius? quid odiosius & infestius religione? Sin autem non tantum non ulla difficultas aut periculi metus nos ab his deterret, sed multo etiam acriori studio ad ea contendimus, certè nec à peregrinandi studio, leuicula ista molestia nos auocabunt. Nam certè ita in rebus humanis comparatum videmus, ut quod quid præstantius præclarusq; est, eò abstrusiori & difficiliore loco positum atq; collocatum, & quod quid abiectius ac vilius, hoc magis obuium & patens sit; unde illud græcorum vulgare prouerbiū: δύσκολα τὰ καλά. Nihil itaq; nos moueat, si molestia aliqua et difficultates subeunda nobis in peregrinatione sunt, sed illas potius secuturæ utilitatis iucunditatisq; spe leniamus atq; molliamur. Quod si etiam aduersus aliquis casus ingruat minimè abijciemus animum, sed homines nos esse recordabimur ea lege natos, ut omnibus telis fortunæ proposita sit vita nostra. Nihil enim (secundum Ciceronem) est, quod ita frangat ac molliat ægritudinem quàm perpetua in rebus humanis cogitatio, nihil esse quod accidere non possit. Ex quo certè fiet, ut quemadmodum grandio etis magno strepitu illisa, ipsa tamen dissiliat; sic aduersa in nostrum animum si incidant frangantur non frangant. Quid si ve-

Exemplo simulq; argumento est *Vlysses*, quod mores hominum late prospexit et vrbes, *πολιτείας* ab *Homero* appellatur, hic si semper secunda velificatione vsus, non *Scyllam* non *Syrenes* præteruēctus, non tot in periculis versatus fuisset, nunq; certe *Odysea* produxissent, quæ ei viri laudes decantarent, perpetuamq; nominis eius memoriam in omnem posteritatem deriuarent: Quid si etiam maximam voluptatem asserunt hi in peregrinando perpeSSI dolores, & superata pericula? Quis.n. non suauissimè afficitur, quoties in memoriam reuocat, quib; iactat periculis, casibusq; fuerit, & quemadmodum ex ijs emerferit, quo pacto conseruatus fuerit, quam certè voluptatem ipsi natiuitatis bono *Cicero* antepōnit, dum sic in tertia *Catilinaria* loquitur. Nō minus nobis iucundi atq; illustres sunt ij dies, quib; conseruamur, quàm ij quibus nascimur, quod salutis certa letitia est, nascendi incerta conditio, & quod sine sensu nascimur, cum voluptate conseruamur. Vnde etiam alio loco dicit: Habet præteriti doloris secura recordatio delectationem. Quid si verò etiam hæ molestiæ et calamitates peregrinationis, ad pietatis officia mentes nostras reuocant, & ad gratias diuino nomini agendas excitant? Nā certè quoties subit animum nostrum recordatio, cum in extremum pene discrimen adducta vita nostra videretur, nec quicquam humani auxilij ac præsidij fuisse, quàm admirabili numinis prouidentia ex ipsis pene faucibus fati erepti sumus, vt oculis ipsis opem nobis diuinitus latam cerneremus; protinus certè animi nostri ad laudes diuinas exsurgunt, ad gratias agēdas exardescunt, ad verum pietatis cultum reuocantur. Et, me *Christe*, illi solum qui in insigni aliquo periculo constituti fuerant illud *Philonis* verum esse

esse comperiunt: Vbi desinit humanum praesidium, ibi incipit di-
uinum auxilium. Nam quibus semper omnia ad numerum et ex
animi sententia procedunt, quibus omnia ad voluntatem affluunt,
vix certe numen aliquod prouidens rerum humanarū & curans
agnoscere possunt, cuius nunquam manum experti sunt, nunq̃
auxilium praesens senserunt. Huic igitur maledicto nihil idcirco
in hac re loci est, quod omnia laus occupauit. Sed, pugnat tertiō,
saepē ex peregrinatione prauos & contaminatos mores concipi,
saepē etiam flagitia domum reportari; sed quid in crimine vocent,
non vident. Nam si id culpa peregrinationis accideret, eadem
certe omnibus vsu veniret, quod tamen est secus. Multos. n. pro-
batis morib⁹ eximiaq̃ doctrina praeditos ex peregrinatione ci reuer-
tisse & adhuc reuerti tum vidimus, tum videmus. Sed omnis
huius querele in morib⁹ culpa est, non in peregrinatione. Etenim
peregrinatio natura bona, in medio quasi collocata tū d bonis tū d
ab imppis vsurpatur, ab illis quidē ad emolumentū & fructum,
ab his ad suam pesem ac perniciem. Latet enim in peregrinanti-
um animis illa scaturigo & radix, quae liberum peregrinationis
campum adpta sensim emergit, ac postea latissimē se spargit atq̃
diffundit vel in riuos virtutis vel in caenum vitiorum. At clami-
tant, peregrinantium prauī mores imbibuntur: Quid ita? quia a-
nimus prauus: Cur enim potius prauī & contaminati quā re-
cti & honesti imbibuntur & concipiuntur. Sua vitia insipientes
& suam culpam in peregrinationem transferunt. Nisi enim iam

rum in virus suum conuertit: Qui vero peregrinatione rectè & ad
suum commodum ac laudè uti volunt apicula exemplum sequa-
tur, ut omnia quidem explorent, at optima quæq; deligant, de quo
pulcherrimè sanè Isocrates & grauissimè aamonet: ὡς περ γὰρ, in-
quit, πλὴν μέλιτ' τὰρ ὀξὺ μὲν ἐφ' ἅπαντα μὲν τὰ βλασφήματα κοδίζόνουσιν, ἀφ'
ἐλάσσου δὲ τὰ χρεῖσματα λαμβάνουσιν: αὐτὰ γὰρ καὶ ἰόντες παρ' αἰτίας ὀξέροισι βέβη-
κεν, οὐδὲν μὲν ἀπείρωδες ἔχουσιν, πάλιν χότον δὲ τὰ χρεῖσματα συλλέγουσιν. Quod cum in
omnibus tum maximè in peregrinatione obseruandum diligenter
est. Quarta restat criminatio quæ maxime grauare peregrinatio-
nem videtur: Dicunt etenim, cultum Dei sartum tectum in pere-
grinatione conseruari non posse, quia nimirum non omnibus in lo-
cis puritas religionis vigeat, in pluribus verò etiā omne exercitiū
& profession interdicta sit. Homines miseros, qui hac ra-
tione conuellere peregrinationis studium conantur. Itanè eis tan-
tū ab re sua non erat ocij vt sacras literas spicerent, historiāq;
sanctissimorum Patriarcharum percurrerent? quorum certè o-
mnem cursum vitæ in exteris terris & peregrinus transactum fu-
isse ille memorant. An verò Abrahamus in terra Chanaan pere-
grinus diuino cultui vacare non potuit? An Iacobus in Mesopotas-
mia non solum peregrinus sed etiam fugitiuus & seruus præstare
cultum diuinum non potuit? An Iosephus in Ægypto tum capti-
uus, tum in altissimo dignitatis gradu constitutus, exhibere eundē
non potuit? An Daniel in Assyriam translatus prophanus omni
cultu diuino neglecto vixit? Aut ergo hos prophanitatis arguāt,
aut si id fas esse non putant, desinant cultum Dei peregrinationi
detrahere, qui nisi à peregrinantibus deuotè ac reuerenter obser-
uetur, totam peregrinationem infelicem ac miseram esse oportet.
Fateor quidem, non inuitus, non vbiq; eandem religionis purita-

tem fulgere, & esse ubi libera est professio et exercitium interdi-
ctū sit: illud nihilominus nec ubiq; fit, et exercitiū solū tollit nō sun-
damētum, quod firmiter in cordib; infixū nulla vis cōuellere aut
pfringere potest. Cōscientiā modō nostrā purā et incōtaminatam
retineāmus, satis Deo causam nostrā fidēq; probauerim: et si in ea
loca aliquādo deueniam⁹, ubi aut cōtaminata superstitio aut ma-
nifesta impietatis pestis grassatur, magis magisq; in certitudine fi-
dei nostrae corroborati, eorū impuritātē detestemur, aliōq; cōceda-
m⁹, ubi purior doctrina fax splēdescat. Nūc quoniā emerfisse iam
ē fluctib; et scopulos pteruēta videtur oratio mea, pfacilis mihi
reliquus cursus ostenditur, & velut ex longa iactatione terram
video, in quam egressa oratio mea conquiescat. Nam quod de
sumptuum magnitudine quidam adferunt qui in peregrinatione
faciendi sunt, nihil adferunt. Quid enim aurum aliud est, si le-
gitimum eius vsum tollas, quā lūm resplendens? cum autem
nihil peregrinatione praestantius esse demonstratum sit, in nullam
terte rem aliam quā in hanc ipsam is dignius conferri poterit.
Dicta est ā me, laus peregrinationis, & perorata, videtis quā-
rum ea in se boni contineat, quā latē pateat, quā vberes &
salutares riuos in omnes vitae partes diffundat. Eam necessariā
esse dixi, quōd ad parandas opes & copias sit ā naturā tributa,
sine qua vix ac ne vix quidem haec vita sustineri possit:
honestam probaui, quōd primo illo & puro seculo ā sanctissimis
patribus vsurpata fuit, ipsiusq; adeō Dei voce mandata: vtilem

Jendum exhibeat: illustrem declaravi, quòd in altissimū gradum dignitatis euebat, ppetuamq̃ & indelebilem nominis memoriam conseruet: piam deniq̃ euici, quia cogitationes et animum nostrum à reb⁹ humanis ad diuinarum contemplationē erigit atq̃ extollit. Attuli dem̃de quāto spacio illi præcurrant, quantoq̃ post se relinquant, qui in hoc vitæ genere versati sunt, eos, quos nunquam Sol extra limites patrios conspexit, vt vix etiam præ illis nomen hominis tueri posse videantur: Produxi deniq̃ in aciem aduersarios, eorumq̃ tela coniecta à ceruicibus peregrinationis reieci, vt illis pstratis laudes peregrinationis clarius elucescant. Agite igitur, populares ornatissimi, qui omnes veræ laudis virtutisq̃ studiosi estis, exurgite animis, hancq̃ vitam in peregrinatione positā exosculamini, cum sit meridiana luce clarius, quot vberissimi & salutare fructus in omnes partes vitæ ex ea redundent. Ad sapiētiam qua nihil optabilius, monstrat peregrinatio. Ad doctrinam qua nihil diuinius facē præfert. Ad amicitiam qua nihil dulcius manu deducit, & ad bonam famam qua nihil præstabilius fores patefacit. Quæ cum ita sint, ut cuiq̃ bona fama, amicitia, doctrina, sapientia, cordi est: ita maximè sibi peregrinationis studium commendatum habeat, tantoq̃ se cæteris ante ire existimet, quāto longi⁹ latiusq̃ mores vrbesq̃ exterarum gentium perspicendo et perlustrando in peregrinatione processerit.

D I X I.

